



REPUBLIKA E MAQEDONISË SË VERIUT
AGJENCIA E SHËRBIMEVE MEDIATIKE AUDIO DHE AUDIOVIZUALE

PA1 Nr.08-155

08.05.2025

Shkup

Këshilli i Agjencisë së Shërbimeve Mediatike Audio dhe Audiovizuale në bazë të nenit 18, paragrafi (1), nënparagrafi 1 dhe nenit 20, paragrafi (1), nënparagrafi 10¹ të Ligjit të Shërbimeve Mediatike Audio dhe Audiovizuale ("Gazeta Zyrtare e RM-së" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e RMV-së" nr.42/20, 77/21, 154/23, 55/24 dhe 193/24), dhe në lidhje me nenin 69, paragrafët (1) dhe (4), nenit 70, paragrafët 1, 4, 6, 9, 10, 11 dhe 12, nenit 71, nenit 74, nenit 79, nenit 80 dhe nenit 81 nga Ligji i njëjtë, nenit 15, paragrafi (1), nënparagrafi 1, nenit 39, paragrafi (1), nënparagrafi 10 dhe nenit 51, paragrafi (1) të Rregullores së Punës së Agjencisë së Shërbimeve Mediatike Audio dhe Audiovizuale (Tekst i konsoliduar) nr. ark. 01-3732/1, datë 29.7.2019, dhe në lidhje me Kërkesën për shpallje të konkursit publik për dhënien e lejes për transmetim në radio në nivel lokal, në zonën e komunës së Shtipit nga pala e interesuar, Shoqëria Tregtare Radiodifuzive BUBA MARA Ranko SHPKNJP Shkup (nr. ark. 08-522/1, datë 3.2.2025), Njoftimin nga Agjencia e Komunikimeve Elektronike, nr. ark. 0805-376/2, datë 12.2.2025 (nr. ynë ark.08-432/3, datë 24.2.2025), Studimin për konstatim të arsytimit për shpallje të konkursit publik për dhënien e lejes për transmetim në radio në nivel lokal, në zonën e komunës së Shtipit (nr. ark. 03-1928/1, datë 29.4.2025) dhe Konkluzionin nr. ark. 02-1997/5, datë 8.5.2025, në seancën e 19-të mbajtur më 8.5.2025, miratoi si vijon:

VENDIM

**për shpallje të konkursit publik për dhënie të lejes
për transmetim në radio të shërbimit programor
në nivel lokal**

1. Shpallet konkursi publik për dhënien e 1 (një) leje për transmetim në radio në nivel lokal, në zonën e komunës së Shtipit, për shërbim programor radio muzikore me format të specializuar, në të cilën muzika e transmetuar dominuese është kryesisht (argëtuese), në gjuhën maqedonase, dhe transmetohet përmes radiofrekuencës së përcaktuar nga Agjencia e Komunikimeve Elektronike (AKE), përkatësisht: 105.3 MHz.
2. Leja do të jepet për periudhë kohore prej 9 (nëntë) vitesh dhe nuk mund t'i bartet personi tjetër.
3. Kandidatët në konkurs duhet të përmbushin kushtet minimale teknike, hapësinore, financiare dhe kadrovike, të përcaktuara në Rregulloren për kushtet minimale teknike, hapësinore, financiare dhe kadrovike për dhënien e lejes për transmetim televiziv dhe radio (Tekst i konsoliduar) nr. ark. 01-3953/1, datë 31.10.2023, që janë shpjeguar dhe specifikuar në Dokumentacionin e Konkursit.
4. Karakteristikat teknike dhe parametrat e përcaktuar nga AKE në pajtim me Ligjin e Komunikimeve Elektronike ("Gazeta Zyrtare e RM-së", nr. 39/14, 188/14, 44/15, 193/15, 11/18 dhe 21/18 dhe "Gazeta Zyrtare e RMV-së", nr. 98/19, 153/19, 92/21, 222/24 dhe 59/25) dhe dispozitat e miratuara në bazë të Ligjit, janë shpjeguar dhe specifikuar në Dokumentacionin e Konkursit dhe miratimin për shfrytëzim të radiofrekuencave të dhënë nga AKE.

¹ Nënparagrafët 8 dhe 9 janë fshirë, shih: nenin 8 të Ligjit për ndryshim dhe plotësim të Ligjit të Shërbimeve Mediatike Audio dhe Audiovizuale ("Gazeta Zyrtare e Republikës së Maqedonisë" nr. 248/18).

5. Aplikimet e paraqitura për konkurs, Agjencia e Shërbimeve Mediatike Audio dhe Audiovizuale (Agjencia) do të vlerësohen në bazë të kriterëve në vijim, sipas mënyrës së mëposhtme të pikëzimit:

1. Përfaqësimi i programit të prodhuar nga vetë transmetuesi (in-house production), gjatë javës		17 pikë
• deri në 50% të pjesës folëse të programit	10 pikë	
• mbi 50% të pjesës folëse të programit	17 pikë	
2. Cilësia, zhanri dhe diversiteti tematik i përmbajtjeve		17 бода
• nga 2 deri në 4 lloje programesh në pjesën folëse të programit	10 pikë	
• mbi 4 lloje programesh në pjesën folëse të programit	17 pikë	
3. Përfaqësimi i programeve që nxisin zhvillimin dhe ruajtjen e kulturës kombëtare		17 pikë
• programe që nxisin zhvillim dhe ruajtjen e kulturës kombëtare, të transmetuara në nivel vjetor		
• deri në 10 orë gjatë vitit	5 pikë	
• mbi 10 orë gjatë vitit	9 pikë	
• muzikë instrumentale nga autorë maqedonas dhe muzikë vokale dhe/ose muzikë vokale-instrumentale në gjuhën maqedonase transmetuar gjatë ditës		
• deri në 30% nga totali i muzikës së transmetuar	5 pikë	
• mbi 30% nga totali i muzikës së transmetuar	8 pikë	
4. Përfaqësim të informacioneve dhe përmbajtjeve në pjesën folëse të programit me rëndësi për zonën në të cilën do të transmetohet shërbimi programor (informacion me karakter lokal), gjatë javës		10 pikë
• nga 1 deri në 3 orë nga pjesa folëse e programit	5 pikë	
• mbi 3 orë nga pjesa folëse e programit	10 pikë	
5. Numri dhe struktura e punonjësve të nevojshëm për kryerjen e veprimtarisë (së paku 1 (një) person që merr pjesë në krijimin e programit, i punësuar në marrëdhënie të rregullt pune me orar të plotë)		7 pikë
• 1 punonjës	5 pikë	
• mbi 1 të punësuar	7 pikë	
6. Kushtet teknike për prodhimin e programeve		7 pikë
7. Koha e ofruar e programit të transmetuar ditor		7 pikë
• nga ora 10 deri në ora 17	4 pikë	
• mbi 17 orë	7 pikë	

8. Kushtet hapësinore për kryerje të veprimtarisë		7 pikë
9. Garancinë e ofruara për aftësitë financiare për kryerje të veprimtarisë		7 pikë
10. Afati i ofruar për fillim me kryerje të veprimtarisë		4 pikë
• deri në 3 muaj nga dita e dhënies së lejes	4 pikë	
• mbi 3 muaj nga dita e dhënies së lejes	2 pikë	
Në total		100 pikë

6. Për lejen e transmetimit në radio paguhet kompensim vjetor për çdo vit aktual, duke filluar nga data e dhënies së lejes, në llogari të Agjencisë, në afat prej 30 ditësh nga dita e pranimit të faturës së dhënë nga Agjencia.

Mënyra e llogaritjes, faturimit dhe pagesës së kompensimit të lejes, përcaktohen nga Agjencia në pajtim me nenin 80 të Ligjit të Shërbimeve Mediatike Audio dhe Audiovizuale (LSHMAAV) dhe në pajtim me Rregulloren për procedurat e punës financiare dhe kontabilitetit të Agjencisë së Shërbimeve Mediatike Audio dhe Audiovizuale ("Gazeta Zyrtare e RM-së", nr.185/14), Rregulloren për format e shërbimeve programore të transmetuesve ("Gazeta Zyrtare e RM-së", nr.172/14) dhe Rregulloren për zonat e transmetimit të shërbimeve programore televizive dhe radio ("Gazeta Zyrtare e RM-së", nr.172/14).

7. Për shfrytëzimin e radiofrekuencave paguhet kompensim vjetor në pajtim me Ligjin e Komunikimeve Elektronike dhe Rregulloren për mënyrën e llogaritjes të kompensimit vjetor për shfrytëzimin e radiofrekuencave të AKE ("Gazeta Zyrtare e RM-së" nr. 192/21 dhe "Gazeta Zyrtare e RMV-së" nr.192/24).

Kompensim për shfrytëzim të radiofrekuencave paguhet në llogari të AKE për çdo vit aktual paraprakisht duke filluar nga data e vlefshmërisë të miratimit për shfrytëzim të radiofrekuencave.

8. Për përcaktimin e frekuencës së transmetuesit, mikrolokacionit, fuqisë maksimale efektive të rrezatimit (ERP), drejtimit të sistemit të antenës, si dhe për parametra të tjerë teknikë që nuk përcaktohen me këtë Vendim dhe me dokumentacionin e konkursit, kandidatët janë të detyruar (pas tërheqjes së dokumentacionit nga Agjencia dhe marrjes së vërtetimit nga Agjencia për dokumentacionin e tërhequr) të drejtohen në AKE, ku do t'i marrin parametrat e saktë teknikë, që janë pjesë përbërëse e dokumentacionit të konkursit dhe sipas të cilit do të duhet të përpilohet raporti teknik për pjesën e transmetimit.

Aplikimi i kandidatëve në AKE duhet të jetë me të njëjtin emër si në Agjencinë.

9. Kandidatët për konkurs paraqesin aplikime në formular të veçantë, ku forma dhe përmbajtja përcaktohet nga Agjencia, dhe publikohet në ueb faqen e Agjencisë.

Dokumentacioni për konkurs dhe formulari – Aplikacioni për pjesëmarrje në konkurs publik për dhënien e lejes për transmetim në radio të shërbimit programor në nivel lokal, në zonën e komunës së Shtipit, mund të merren në arkivin e Agjencisë, Pallati "Panko Brashnarov", rr. "Makedonija" nr. 38, Shkup, çdo ditë pune nga ora 8:00 deri në orën 16:00.

Për dokumentacionin paguhet kompensim vjetor në shumë prej 60.000,00 (gjashtëdhjetë mijë) denarë në xhironlogari: 300000000618023 të Agjencisë, Banka depozituese: Banka Komerciale SHA Shkup.

10. Aplikacioni dorëzohet në zarf të mbyllur në Agjencinë, Pallati "Panko Brashnarov", rr. "Makedonija" nr. 38, Shkup, shënuar si vijon², përkatësisht:

- në këndin e sipërm majtas të zarfit të mbyllur duhet të shënohet "MOS E HAP",

² Nëse parashtuesit e aplikimeve për pjesëmarrje në konkurs publik nuk përmbahen ndaj kushteve të përcaktuara në pikën 10. të këtij Vendimi, Agjencia nuk mban përgjegjësi për vonesën ose hapjen e parakohshme të Aplikimit.

- në mesin e zarfit të mbyllur të shënohet “Aplikim për pjesëmarrje në konkurs publik për dhënien e lejes për transmetim në radio të shërbimit programor në nivel lokal, në zonën e komunës së Strugës”.

Formularët dhe shtojcat ndaj Aplikimit për pjesëmarrje në konkurs publik për dhënien e lejes për transmetim në radio të shërbimit programor në nivel lokal, në zonën e komunës së Shtipit, duhet të sistemohen sipas radhës dhe numrit rendor të formularit, përkatësisht shtojcë ndaj aplikimit, ku për çdo shtojcë ndaj aplikimit, në faqen e parë në këndin e sipërm djathtas nga lista të shënohet numri rendor përkatës (Për shembull: Shtojcë nr. ____).

Aplikacioni, me dokumentacionin shoqërues nga neni 73 paragrafi (3) të LSHMAAV, dorëzohet në 2 (dy) kopje (origjinale dhe kopje).

11. Aplikacioni mund të dërgohet me postë rekomanduese ose me dorëzim në arkivin e Agjencisë.

12. Aplikacioni dorëzohet në afat prej 60 (gjashtëdhjetë) ditësh.

Afati për dorëzimin e aplikacioneve rrjedh nga dita e parë pas publikimit të këtij Vendimi në Gazetën Zyrtare të RMV-së.

Aplikimet dorëzohen në afatin e përcaktuar me këtë Vendim në mënyrë, formë, numër të kopjeve dhe me përmbajtje të parashikuar në Dokumentacionin e Konkursit.

Aplikimet e kandidatëve që nuk do të paguajnë kompensim për dokumentacionin, që do të dorëzohen pas përfundimit të afatit të përcaktuar me këtë Vendim, aplikimet e pakompletuara (që nuk do t'i përmbajnë të gjitha dokumentet dhe shtojca në pajtim me Aplikacionin), aplikimet e plotësuara në mënyrë të parregullt, si dhe aplikimet që nuk do të dorëzohen në 2 (dy) kopje (origjinale dhe kopje), nuk do të shqyrtohen.

Informacione shtesë, në lidhje me konkursin e shpallur publik, mund të merren nga personat në vijim:

- për konceptin programor: mr. Ognen Nedelkovski telefon celular: 072/212-686 dhe e-mail adresë: o.nedelkovski@avmu.mk; Rubin Talevski telefon celular: 075/452-523 dhe e-mail adresë: r.teleski@avmu.mk;

- për strukturën pronësore dhe kushtet kadrovike: Katerina Donevska telefon celular: 075/452-543 dhe e-mail adresë: k.mitre@avmu.mk;

- për kushtet teknike dhe hapësinore: mr. Arben Saiti telefon celular: 076/203-222 dhe e-mail adresë: arben.saiti@avmu.mk;

- për kushtet financiare: Goran Radunović telefon celular: 071/223-219 dhe e-mail adresë: g.radunovic@avmu.mk; Vesna Simonovska telefon celular: 076/344-198 dhe e-mail adresë: v.simonovska@avmu.mk dhe

- për të dhëna të përgjithëshme dhe çështje juridike: mr. Ivona Mufisheva telefon celular: 076/496-803 dhe e-mail adresë: i.mufiseva@avmu.mk dhe mr. Biljana Paneva-Parleeva telefon celular: 076/344-194 dhe e-mail adresë: b.parleeva@avmu.mk.

13. Aplikacionet që do të dorëzohen në këtë konkurs publik, do të hapen publikisht, në selinë e Agjencisë, Pallati “Panko Brashnarov”, rr. “Makedonija” nr. 38, Shkup, një javë pas përfundimit të afatit për dorëzimin e aplikacioneve, përcaktuar në pikën 12 të këtij vendimi.

Informacionin për ditën dhe orën e hapjes publike do të publikohet në ueb faqen e Agjencisë: www.avmu.mk.

14. Vendimi për dhënien e lejes për transmetim në radio të shërbimit programor në nivel lokal, në zonën e komunës së Shtipit, do të miratohet në afat prej 30 (tridhjetë) ditësh nga dita e mbajtjes së hapjes publike të aplikacioneve, përcaktuar në pikën 13 të këtij vendimi.

Kandidatët e konkursit do të njoftohen për vendimin e dhënies së lejes, në afat prej 7 (shtatë) ditësh nga dita e miratimit.

15. Ky vendim publikohet në Gazetën Zyrtare të RMV-së, në ueb faqen e Agjencisë dhe së paku në 2 (dy) gazeta ditore, prej të cilave njëra gazetë ditore është në gjuhën e bashkësisë joshumicë, por që e flasin së paku 20% e qytetarëve të RMV-së, dhe hyn në fuqi nga dita e botimit në Gazetën Zyrtare të RMV-së.

A r s y e t i m

Agjencisë së Shërbimeve Mediatike Audio dhe Audiovizuale (Agjencia) më 3.2.2025, është dorëzuar Kërkesë me shkrim, nr. ynë ark. 08-522/1, datë 3.2.2025, nga pala e interesuar, Shoqëria Tregtare Radiodifuzive (SHTR) BUBA MARA Ranko SHPKNJP Shkup, për dhënien e lejes për hapje të radios lokale në zonën e komunës së Shtipit.

Agjencia, në pajtim me nenin 70 paragrafi (4) të LSHMAAV, dhe me rastin e lëndës Kërkesë me shkrim, me Shkresë-Kërkesë për informacion, nr. ynëark.08-432/2, datë 04.02.2025, iu drejtua AKE ku është kërkuar informacion nëse ka frekuenca të lira në zonën e komunës së Shtipit, dhe nëse ka – dhe informacion për parametrat bazë teknike në bazë të cilit do të përpilohet zgjidhje teknike për transmetim të programit në radio të zonës në fjalë.

Me, datë 24.02.2025, AKE drejtuar Agjencisë dorëzoi Njoftim në lidhje me kërkesën për informacion për frekuenca të lira për transmetim të programit në radio në nivel lokal për qytetin e Shtipit, nr. ark. 0805-376/2, datë 12.02.2025 (nr. ynëark.08-432/3, datë 24.02.2025), se në bazë të ndarjeve ekzistuese, analizave të radioshtirirjes dhe matjeve në rajonin e qytetit të Shtipit, parametrat bazë teknike sipas të cilit duhet të përpilohet zgjidhja teknike për mbulimin e qytetit të Shtipit janë si në vijim: Lokacioni i mundshëm i transmetuesit: Karakush, Fuqia e rrezatimit efektiv: 200 W dhe Frekuencë: 105.3 MHz.

Në nenin 70, paragrafi (4) të LSHMAAV është paraparë se nëse në pajtim me Planin për dhënien dhe shfrytëzimin e radiofrekuencave, konstatohet se ka radiofrekuenca të lira, Agjencia do të përpilojë studim që do të konstaton arsyetimin për shpallje të konkursit publik, dhe veçanërisht nga aspekti i përmbushjes së qëllimit të këtij ligji, si dhe nga aspekti i nevojave të publikut.

Rrjedhimisht, Agjencia përpiloi Studim për konstatim të arsytimit për shpallje të konkursit publik për dhënien e lejes për radio në nivel lokal, në zonën e komunës së Shtipit (nr. ark.03-1928/1, datë 29.04.2025), që është publikua në ueb faqen e Agjencisë më 29.04.2025.³ Në Studim u konkludua si vijon: "Komuna Shtip është një nga dhjetë komunat e Maqedonisë me potencial më të madh tregu dhe nga aspekti i publikut (numri i banorëve është 44.866) dhe nga aspekti i reklamuesve të mundshëm (numri i subjekteve afariste aktive është 1.794). Përkundër kësaj, zgjedhja e publikut është i kufizuar në vetëm një radiostacion lokal (Shoqëria Tregtare Radiodifuzive ENXHELS FM SHPKNJP Shtip), që transmeton shërbim programor radio folëse-muzikore me format të përgjithshëm. Ky radiostacion në tre vitet e fundit realizon të ardhura të qëndrueshme, dhe burimi dominues i të ardhurave është reklamimi. Me dhënien e lejes për transmetim në radio do të pasurohet oferta dhe qytetarët e Shtipit do të kenë zgjedhje më të madhe të përmbajtjeve në radio. Duke marrë parasysh se në pajtim me Rekomandimin CM/Rec (2018)1 për pluralizëm në media dhe transparencë të pronësisë së medias që Këshilli i Evropës e miratoi në mars të vitit 2018, niveli i parë në të cilën do të arrihet diversitet në shërbimet programore është ekzistenca e shërbimeve programore me formate të ndryshme, konkluzioni i këtij Studimi është se ekziston arsyetim për shpallje të konkursit publik për dhënien e lejes për transmetim në radio në nivel lokal në zonën e Komunës së Shtipit, dhe përkatësisht për shërbim programor radio muzikore me format të specializuar, në gjuhën maqedonase, në të cilën muzika e transmetuar është kryesisht dominuese (argëtuese). Kjo do të thotë se deri në 5% nga totali i programit të transmetuar gjatë një jave, pa kohën e veçuar për përmbajtjen që nuk përfshihen në klasifikim, duhet të jenë përmbajtje folëse ndërsa së paku 70% nga totali i transmetimit muzikor gjatë një jave duhet të jetë argëtuese (popullore)."

Rrjedhimisht, gjithçka u shpjegua më sipër, dhe duke pasur parasysh se në pajtim me Planin për ndarjen dhe shfrytëzim të radiofrekuencave, është konstatuar se ka radiofrekuencë të lire për komunën e Shtipit, dhe sipas Studimit, nr. ark. 03-1928/1, datë 29.04.2025, është konstatuar arsyetim për shpallje të konkursit publik për dhënien e lejes për transmetim në radio në nivel lokal në zonën e Komunës së Shtipit, përkatësisht për shërbim programor radio-muzikore me format të specializuar, në të cilën muzika e transmetuar është kryesisht dominuese (argëtuese), në gjuhën maqedonase, në bazë të nenit 18 paragrafi (1) nënparagrafi 1 dhe neni 20 paragrafi (1) nënparagrafi 10 të LSHMAAV, dhe në lidhje me nenin 69 paragrafët (1) dhe (4), neni 70 paragrafët 1, 4, 6, 9, 10, 11 dhe 12, neni 71, neni 74, neni 79, neni 80 dhe neni 81 nga Ligji i njëjtë, neni 15 paragrafi (1) nënparagrafi 1, neni 39 paragrafi (1) nënparagrafi 10 dhe neni 51 paragrafi (1) të Rregullores së Punës së Agjencisë së Shërbimeve Mediatike Audio dhe Audiovizuale dhe Konkluzionin nr. ark. 02-1997/5, datë 08.05.2025, Këshilli i Agjencisë së Shërbimeve Mediatike Audio dhe Audiovizuale në seancën e 19-të mbajtur më 8.5.2025, miratoi Vendim si në dispozitiv, i cili do të botohet në Gazetën Zyrtare të RMV-së, në ueb faqen e Agjencisë, dhe së paku në 2 (dy) gazeta ditore, prej të cilave njëra është në gjuhën e bashkësisë joshumicë por që e flasin së paku 20% e qytetarëve të RMV-së, e cila hyn në fuqi nga dita e botimit në Gazetën Zyrtare të RMV-së.

**Agjencia e Shërbimeve Mediatike
Audio dhe Audiovizuale
Kryetari i Këshillit,
Llazo PETRUSHEVSKI, d.v**

³ Studim-për-fizibilitetin-e-arsyetimit-për-shpallje-konkurs-publik-për-radio-në-Strugë.pdf

